

Dei esse cognoscerent, non esset reprobanda illa sententia. »

Resp. Sic et nos dicimus et sentimus cum Aug. Si Tournelius agnosceret, merita nostra esse ex omni parte dona Dei, ejus sententia non esset reprobanda ut contraria Scripturis et Patribus, sed tantum ut minus consonationi. At vero, juxta sistema scientiae mediæ, cuius Tournelius est perpetuus fautor et adulator, contendimus, id quod præcipuum est in meritis nostris, nempe consensum voluntatis in bonum, non esse donum Dei, ut alias late probavimus.

Objicit 3º Tournelius. S. Aug., lib. I ad Simplic.¹, q. 2, n. 6, expendens verba illa Apostoli ad Rom., ix, 11 et 12 : *Ut secundum electionem propositum Dei maneret, non ex operibus, sed ex vocante dictum est : Major serviet minori,* inter alia dicit : « Non quia invenit Deus opera bona in hominibus quæ eligat, ideo manet propositum justificationis ; sed quia illud manet ut justificet credentes, ideo invenit opera quæ jam eligat ad regnum cœlorum... Non tamen electio præcedit justificationem, sed electionem justificatio ; nemo enim eligitur, nisi jam distans ab illo qui rejicitur. Unde quod dictum est, *Ephes.*, i, 4, quia elegit nos Deus ante mundi constitutionem, non video quomodo sit dictum, nisi præscientia. » Ex quibus appetet evidenter, juxta Aug., prædestinationem ad gratiam esse gratuitam, prædestinationem vero ad gloriam esse ex electione meritorum. Hoc argumentum, quasi esset invictum, plurimum extollunt adversarii.

Sed in primis illud videtur præpostorum, ut jam alibi observavi, adversarios continuo recurrere ad libros Augustini Simpliciano inscriptos, quos adhuc juvenis et ante ortam Pelagii hæresim elaboravit, præsertim cum insignes authores, inter quos Bellarminus, velint id quod opponitur, fuisse in sequentibus operibus retractatum. Sed esto, ut volunt alii, nihil absolute esse retractatum, saltem

1. *De diversis questionib. ad Simplicianum, libri 2.*

negari non potest quod, cum tunc Aug. nondum discusserat altitudinem istarum quæstionum, neque multa inventerat quæ postea majori diligentia investigavit et reperit, plures in his prioribus libris expressiones irreperserint minus accuratae circa præsentem materiam ; quod non parum detrahit illorum autoritati.

Resp. S. Aug. illic non loqui de prædestinatione ad gloriam in ordine intentionis, sed in ordine executionis. Quod ut manifestum fiat, nota quod jam alibi observavi, duplē distingui electionem, unam proprie dictam, scilicet electionem mediorum, alteram minus proprie dictam, scilicet electionem personarum ad finem. Prima respicit executionem, ut patet ; secunda respicit intentionem, quia persona est finis *cui* intenditur finis *qui*, seu cuius gratia. Augustinum vero loqui, non de electione personarum ad finem cuius gratia, sed de electione seu volitione mediorum ad finem, patet ex ejus contextu. Nam dicit primo, quod non ideo Deus habeat propositum justificandi seu donandi gratiam justificantem, quia invenit bona opera quæ eligat, sed e contra quod ideo invenit bona opera quæ eligat, quia habet propositum dandi gratiam justificantem ; non enim opera sunt merita et media eligibilia ad regnum, nisi ut informata gratia justificante. Unde bene subdit, quod electio, scilicet operum seu meritorum, non præcedat justificationem, sed e contra quod justificatio præcedat electionem operum. Addit : nemo eligitur, scilicet ratione operum, nisi distans ab eo qui rejicitur, quia electio personæ ad regnum ratione operum, idem est ac electio operum ad regnum ; non enim opera sine persona eliguntur. Verissimum est autem quod in electione operum, seu personæ ratione operum, quæ, ut dictum est, pertinet ad ordinem executionis, nemo eligitur, nisi distans et distinctus ab eo qui rejicitur. Et hinc recte concludit quod id quod dictum est, quia elegit nos Deus ante mundi constitutionem, non sit dictum, nisi præscientia ex qua hæc electio executiva mediorum fuit ab æterno disposita et ordinata.

§ III

Solvuntur objectiones a ratione.

Objicies 1º cum Tournelio : Deus intendit prædestinatis gloriam ut coronam et præmium. Atqui corona et præmium non potest intendi, nisi propter merita. Ergo. — Prob. min. Corona et præmium dicit necessario ordinem ad merita, non minus quam pater ad filium. Ergo.

Resp. Data majori, *nego* min. Deus enim voluntate antecedente intendit omnibus gloriam ut coronam, etenim omnes ordinat ad gloriam per merita obtinendam; et tamen, fatentibus etiam adversariis, eam non intendit propter merita prævisa. Ad prob., *dist.* ant. Corona et præmium dicit necessario ordinem ad merita ut ad effectum vel motivum, *conc.*; semper ut ad motivum, *nego*. In ordine intentionis dicit ordinem ad meritum ut ad effectum, quia Deus intendit gloriam ut obtinendam per merita, et quia sic vult finem, vult merita; in ordine autem executionis, dicit ordinem ad merita ut moventia. Unde in ordine intentionis merita sunt causata, in ordine executionis sunt causantia; quod enim primum est in intentione, est ultimum in executione, et quod est ultimum in intentione, est primum in executione.

Inst. Quod intenditur ut corona et præmium, intenditur ut debitum justitiæ. Ergo supponit merita ut motiva et causantia.

Resp. Dist. ant. Quod intenditur ut corona et præmium, intenditur ut debitum justitiæ exercendæ in ordine executionis, *conc.* ant.; ut debitum justitiæ exercitæ in illo ordine intentionis, *nego* ant. Deus enim gratis vult dare gloriam, sed non vult dare gratis; seu independenter a meritis vult dare, sed non vult dare sine meritis. Sic rex gratis, ex mera liberalitate, proponit dare præmium vitori in certamine; non tamen vult dare gratis, sed propter victoriam: et ibi exercetur justitia, non vero in prima intentione, quæ est mere gratuita.

Urgebis : Sic se habet præmium ad meritum, sicut poena ad culpam. Atqui Deus non vult poenam, nisi supposita culpa. Ergo nec præmium, nisi suppositis meritis.

Resp. Dist. maj. Sic se habet præmium ad meritum, sicut poena ad culpam, in ordine executionis, *conc.*, quia, sicut præmium in re redditur propter meritum, sic poena infligitur propter culpam; in ordine intentionis, *nego*. Disparitas est quod poena, ut poena simpliciter, non sit bona, sed tantum ex suppositione culpe, quæ cum non sit etiam bona, non potest esse a Deo volita. Unde repugnat quod Deus primo velit poenam, et propter poenam velit culpam. At et præmium et meritum sunt simpliciter bonum, et utrumque est a Deo. Cum autem præmium sit finis et majus bonum, Deus primo illud intendit, deinde merita, ut media ad illud.

Objicit 2º Tournelius : Deus eo modo res ab æterno præordinat, quo modo eas facit in tempore. Atqui confert in tempore gloriam prædestinatis propter merita. Ergo ab æterno præordinavit conferre propter merita.

Resp. Concedo totum. Revera enim Deus ab æterno præordinavit conferre in tempore gloriam propter merita, non tamen propter merita præordinavit, sed gratuita voluntate.

Inst. Tournelius. An non quædam veluti pugna et contradictio in Deo videtur, si vellet gloriam gratis simul destinare, et eamdem tanquam mercedem et præmium rependere? Nonne pugnat rem eamdem simul et eodem instanti rationis, et ex pura misericordia, et ex justitia destinari?

Resp. nullam hic esse pugnam aut contradictionem, nisi in mente Tournelii, qui non distinguit inter gratis velle dare gloriam et velle dare gloriam gratis. Deus gratis, et non propter merita, vult dare gloriam; non tamen vult dare, nisi per merita et propter merita: et hæc nullatenus inter se pugnant, ut patet ex dictis.

Urget Tournelius : Decretum quo Deus intenderet ab æterno conferre gloriam gratis, haud dubie absolutum

foret et efficax. Ergo, vi hujusce decreti, gloria gratis concedenda esset; alioquin Deus decerneret quod non exequeretur, aut exequeretur quod ab æterno non deerevisset, atque aliud in executione præstaret, aliud vero in intentione decerneret: quæ certe invicem pugnare videntur.

Resp. Eadem semper chorda aberrat Tournelius. Nos non dicimus, Deum intendere ab æterno conferre gloriam gratis, sed dicimus Deum ab æterno gratis intendere conferre gloriam per merita et propter merita, et hoc exequitur in tempore.

§ IV

Solvuntur objectiones ab inconvenientibus.

Objicitur: Prædestinatio ante prævisa merita, 1º non satis consultit ædificationi et consolationi fidelium, 2º non satis congit suavitati divinæ providentiae et bonitatis Dei, 3º reddit promissiones et minas Dei vanas et illusorias. Ergo.

Prob. primum inconveniens. Si Deus ante prævisa merita paucos eligat et pene innumeros relinquat, quis ad hanc terribilem sententiam non turbetur, atteratur, despondeat animum et in torpore non inducatur, merito præsumens se potius esse in magno numero reproborum, quam in parvo prædestinatorum? E contra, si audiat prædestinationem non fieri nisi post prævisa merita et expectare liberum arbitrium, esse in potestate et voluntate sua ut sit de numero salvandorum, tandem sortem suam sie ab eo pendere, ut per consensum gratiæ versatili possit illam asserere: sedatur animus, respiciens salutem suam, non ut incertam, ut in priori opinione, sed in manu sua positam; gaudet et alaceris fit ad bona opera, quibus tantum beneficium assequatur. Hac ratione Lessius dicit se potissimum fuisse motum ad hanc sententiam amplectendam.

Prob. secundum inconveniens. Bonitas divinæ providentiae exigit ut omnibus necessaria ad salutem provideat, omnium curam sincere gerat, nec ullum deserat, nisi

prius ab eo deseratur, ut indicat Scriptura, *Ezech.*, XXXIII, 11: *Nolo mortem peccatoris, sed magis ut convertatur*; *Ps. CXLIV*, 9: *Suavis Dominus universis*; *Sap.*, VI, 8: *Ipsi cura est æqualiter de omnibus*; *I Tim.*, II, 4: *Vult omnes salvos fieri*, etc. Atqui non ita se haberet, si independenter a prævisis meritis vel demeritis aliquos assumeret, alias relinqueret. Insuper, cum tanta sit Dei bonitas erga omnes, si ex ejus solo nutu dependeret eorum salus, non tam foret exiguis numerus salvandorum. Pendet ergo ex aliquo ex parte nostri, cuius defectu accidit tam paucos salvari, scilicet ex eo quod pauci consentiant gratiæ et in ea perseverent.

Prob. tertium inconveniens. Posita prædestinatione ad gloriam ante prævisa merita, Deus illudit reprobis, et vana spe eos lactat, dum ipsis promittit gloriam sub conditione perseverantiae in bono, que ab ipso dependet, et quam non vult eis dare. Item illudit electis et vano metu eos terret, dum minatur illos excludere a regno, si non perseverent in bono, cum et regnum et perseverantium decreto immutabili et infallibili dare statuerit. Quid enim vult eos timere? Ne damnentur? Id stare non potest cum prædestinatione. Ne prædestinatio revocetur? Est irrevocabilis.

Ad primum, *resp.* 1º hoc inconveniens pariter militare contra systema Congruistarum. Quis enim non turbetur et atteratur, si audiat Deum pro suo nutu paucis dare gratiam congruam cum qua certo in bono perseverabunt, et sine qua non perseverarent, aliis autem pene innumeris denegare?

Resp. 2º sententiam nostram esse longe aptiorem ædificationi et consolationi fidelium, quam sententiam Lessii et Molinæ; quia, juxta nos, salus nostra omnipotenti Dei manui, juxta Lessium et Molinam, fragilitati nostræ committitur. Quis autem non magis fidat Deo quam sibi ipsi, si non sit superbus, sed humilis et infirmitatis suæ conscius? nemo enim nescit, teste Scriptura et propria experientia, se, quamvis sit justus, habere in se fomitem cupiditatis et concupiscentiæ, cui si tantisper permittatur, se subducet inclinationi gratiæ et cadet: *Sensus et cogitatio*

humani cordis, inquit Scriptura, *Gen.*, viii, 21, *in malum prona sunt ab adolescentia sua*; et Apost. *ad Rom.*, vii, 18, dicit de se ipso: *Scio quia non habitat in me, hoc est, in carne mea, bonum*; et, *ibid.*, 23: *Video aliam legem in membris meis, repugnantem legi mentis meae et captivantem me in lege peccati*. Unde Aug., lib. *de Corrept. et Grat.*, cap. 12, n. 28, dicit quod « si hominibus relinqueretur voluntas sua, ut in adjutorio Dei, sine quo (id est, sufficiente) perseverare non possent, manerent si vellent, nec Deus in eis operaretur ut vellent inter tot et tantas tentationes, infirmitatem sua voluntas ipsa succumbet ». Si ergo, inquam, vir Christianus, vere humilis et fragilitatis sue bene conscientius, inter tot et tanta vite pericula ac tentationes, tot Satanae fraudes et passionum insultus, audiat Deum in negotio salutis perficiendo ipsi præparasse quædam auxilia indifferentia, humano sic permitta arbitrio, ut eorum usum nemini det, sed a nobis expectet; nonne statim animum despondebit et de sua salute desperabit? E contra, si audiat Deum aliquos elegisse ad gloriam, et pro ea infallibiliter consequenda eis præparasse fortissima et invictissima auxilia, jam spes affulget ut obtenturum per Dei auxilium quod sua infirmitate non obtinueret, si Deus auxilia tantum indifferentia præparasset, et eo firmiter erit ejus spes, quod de se humilius sentiet et magis diffidet, atque in Domino magis confidet, sciens quod Deus *populum humilem salvum faciet*, *Ps.*, xvii, 28, et *sperantem in Domino misericordia circumdabit*, *Ps.*, xxxi, 10. Et quamvis, his non obstantibus, non sit adhuc omnino certus de voluntate Dei, est tamen longe magis incertus de sua voluntate; neque eum terret parvus numerus electorum, quia probe novit quod, si homines sibi permitterentur, longe adhuc pauciores forent electi, imo nullus foret. Tota hæc solutio est Augustini, simili objectioni sibi factæ a Semi-Pelagianis respondentis. Placet illum audire, *de Dono persev.*, cap. 17, n. 43: « Ego, inquit, nolo exagerare verbis meis, sed illis cogitandum potius relinquo, ut videant quale sit quod sibi persuaserunt, prædicatione prædestinationis audientibus plus desperationis quam exhortationis afferri. Hoc est enim dicere, tune de sua

salute hominem desperare, quando spem suam, non in seipso, sed in Deo didicerit ponere, cum Propheta clamet, *Jerem.*, xvii, 5: *Maledictus omnis qui spem habet in homine*. » Et *de Prædest. sanctor.*, cap. 11, n. 21: « Cum Apostolus dicat, *Rom.*, iv, 16: *Ideo ex fide, ut secundum gratiam firmata promissio*, miro homines infirmitati sue se malle committere, quam firmitati promissionis Dei. Sed incerta est mihi, inquis, de meipso voluntas Dei. Quid ergo? Tuane tibi voluntas de teipso certa est, nec times, *I Cor.*, x, 12: *Qui videtur stare, videat ne cadat*? Cum igitur utraque incerta sit, cur non homo firmiori potius quam infirmiori fidem suam, spem, charitatemque committit? » Et cap. 6, n. 12, *de Dono persev.*: « Tutiores vivimus, si totum Deo damus. Non autem nos illi ex parte, et nobis ex parte committimus. »

Ad secundum, *nego* min. Deus enim omnibus auxilia sufficientia providet, omnium curam sincere gerit, nec ullum deserit, nisi prius ab eo deseratur; sed pertinet ad ejus providentiae suavitatem, ut unicuique provideat juxta cuiusque conditionem, proindeque ut ex rebus defectilibus quasdam permitat deficere, alias præserves a defectu: ut in his appareat virtus gratiae, in illis conditio naturæ. Sieque respondent adversarii, dum ab ipsis queritur cur Deus permittat peccatum, cum posset illud impedire. Quia, inquit, sic fert suavitas providentiae, ut liberi arbitrii conditio servetur.

Ad id quod additur, quod, cum Deus sit infinite bonus, si salus nostra ex ejus solo nutu penderet, non tam foret exiguis numerus salvandorum.

Resp. *Nego* sequelam; quia, licet Deus sit infinite bonus, ejus tamen bonitatis effusio sic temperari debet, ut servetur conditio naturæ defectibilis, detur locus justitiae, alia attributa manifestentur, et salventur cæteri fines providentiae generalis, ut dictum est. Unde, quod non omnes aut non plures salvet, non derogat divine bonitati, sed indicat ordinatam esse bonitatem. Et ita iterum respondere tenentur adversarii; certum est enim, in omni sententia, quod Deus posset omnes salvare: quod si non

faciat, non ipse causa est, sed aliquis defectus ex parte nostra, quem quidem posset auferre, sed quem ut auferat non exigit sapientissima et ordinatissima ejus bonitas. Addo quod, in sententia adversariorum, juxta quam Deus non præparat nobis nisi auxilia sufficientia, sic permissa libero arbitrio, ut non dent, sed expectent ejus consensum, non solum pauciores, sed nulli forent salvati, ut patet ex resp. ad primum inconveniens. In hoc autem, juxta nos, maxime reluet divina bonitas, quod iis quos elegit fortissima et invictissima conferat auxilia, quibus certissime perducantur ad salutem.

Ad tertium, *resp.* 1^o istud inconveniens pariter esse solvendum et a Congruistis et a puris Molinistis. A Congruistis, quia, supposito quod Deus decreverit dare uni gratiam congruam perseverantiae finalis, et non alteri, primo asserta est assecutio gloriae, alteri asserta est exclusio a gloria. Illudit ergo primo, dum minatur excludere a regno, si non observet mandata; illudit alteri, dum ipsi promittit regnum, si usque ad finem servet mandata, cum sciat certo, et illum certo servaturum et istum certo non servaturum finaliter mandata. A puris Molinistis, quia certo nunc facta est prædestination, quoquo modo facta fuerit, et qui sunt prædestinati, certo salvabuntur, qui non sunt, certo non salvabuntur. Illudit ergo Deus prædestinatis, dum minatur eos excludere a regno, si non perseverent in bono; illudit et reprobis, dum eis promittit regnum, si perseverent in bono: dum certum sit et infallibile prædestinatos perseveraturos, et reprobos non perseveraturos.

Resp. 2^o hoc inconveniens nullatenus sequi ex prædestinatione gratuita, si supponatur, ut res est: 1^o neminem esse certum, se esse de numero prædestinatorum; 2^o prædestinationem in executione pendere a liberis et bonis operibus atque perseverantia in illis usque ad finem; 3^o hominem sub prædestinatione gratuita æque gaudere libertate ad bonum vel malum, ac si non esset prædestination, ut modo dicam et alibi pluries probavimus; 4^o humilibus et de se diffidentibus, in Domino autem confiden-

tibus, concedi regnum; superbis et in se confidentibus denegari. His, inquam, suppositis, neque Deus illudit reprobis suis promissionibus, neque electis suis minis. Non reprobis, promittendo eis regnum sub conditione bonorum operum, quia possunt illa bona opera facere. Seit quidem eos illa non facturos, sed sua culpa, et quia his promissionibus et variis aliis gratiis voluntarie resistunt; nec ob id Deus debet deesse muneri provisoris universalis, cuius est omnes, et minis, et promissionibus, et aliis modis ad bonum incitare. Posset quidem eorum resistentiam sua gratia efficaci frangere, sed eam nemini debet, neque id exigit ordo providentiae. Numquid, juxta adversarios, et præsertim Tournelium in pluribus locis, Deus habet in thesauris suis gratias quibus duritiem omnium peccatorum frangere potest? Quare non frangit? quia nec placet, nec tenetur. Neque electis illudit, minando eos a regno excludere, si bona opera non faciant; quia executio prædestinationis non fit nisi per bona opera, et ea sic electi libere faciunt, ut possent non facere. Non ergo timent ne pereant, si sint prædestinati, neque ne revocetur prædestination; sed timent ne non sint de numero prædestinatorum, quia hoc illis incertum est, et ex eadem incertitudine timent ne cadant et pereant. Addo, hunc timorem utiliter ipsis a Deo incuti, ut sint humiliores, et per hoc eorum prædestination certo impleatur.

ARTICULUS V

DE REPROBATIONE

An sit et quid sit reprobatio?

Dico 1^o: Datur in Deo aliquorum reprobatio¹. Quia ad providentiam provisoris universalis pertinet ut in rebus defectibilibus quæ illi subjiciuntur, aliquas permittat defi-

1. Hic q. 23, a. 3, o.

cere propter bonum totius universi. Atqui per divinam providentiam creature intellectuales ex natura sua defecitibiles ad gloriam ordinantur. Ergo ad hanc providentiam perfinet ut permittat aliquos ab isto fine deficere, et hoc dicitur reprobare. Item, nihil Deus exequitur in tempore, quod non decrevit ab æterno. Atqui in tempore aliquos reprobat, ut patet ex illo *Matth.*, xxv, 41 : *Discedite a me, maledicti.* Ergo.

DICO 2º : Reprobatio non consistit in mera negatione prædestinationis, sed in actu positivo quo Deus vult permettere aliquos sua culpa deficere a gloria, et propter culpam infligere damnationis pœnam.

Ratio est quia reprobatio est pars objectiva providentiae¹; providentia autem importat actum positivum tum intellectus, tum voluntatis. Et alias angeli et homines possibles possent dici reprobati, quia non sunt prædestinati.

Hinc inferes 4º reprobationem, non secus ac providentiam, cuius est pars objectiva, consistere in actu intellectus supponente actum voluntatis.

Inferes 2º reprobationem recte definiri ab Authore², providentiam de his qui deficiunt a fine, cum voluntate permittendi culpam, et propter culpam infligendi damnationis pœnam; seu, quod idem est, decretum quo Deus vult permettere ut aliqui sua culpa a gloria decident, et pro culpa infligendi damnationis pœnam.

Inferes 3º quod, licet reprobatio sit unica, possit tamen dividii in negativam et positivam tanquam in duo munia inadæquata. Cum enim definitur, voluntas permittendi ut aliqui sua culpa deficiant a gloria, et propter culpam infligendi damnationis pœnam : quatenus importat voluntatem permittendi ut aliqui sua culpa deficiant a fine, dicitur negativa; non quod non sit actus positivus, ut dictum est, sed quia nihil efficit, sed tantum permittit, permettere autem est quasi negative se habere; quatenus autem importat ordinationem culpæ ad pœnam æternam, dicitur

1. Ibid. — 2. Ibid.

positiva, quia jam aliquid faciendum decernit, nempe pœnam infligendam. Unde reprobatio negativa includit tantum terminum *a quo*, scilicet gloriam a qua reprobi permittuntur deficere; reprobatio autem positiva includit insuper terminum *ad quem*, scilicet pœnam damni et sensus quam Deus illis decernit.

ARTICULUS VI

De motivo reprobationis.

Quæstio est de reprobatione ut sic, prout spectat angelos et homines : utrum autem aliquid speciale, scilicet peccatum originale, ingrediatur motivum reprobationis hominum, dicam infra.

Item quæstio est de reprobatione tam positiva, quam negativa. Sed observandum est, plures Thomistas per reprobationem negativam non intelligere, sicut nos, simplicem permissionem deficiendi a gloria, sed positivam exclusionem ab illa tamquam a beneficio indebito, quam ideo volunt esse gratuitam et independenter a prævisis demeritis : quod impugnabimus § subseq. Unde, ut prius quod apud omnes Catholicos certum est statuamus, sit

§ I

De motivo reprobationis positivæ.

DICO : Reprobatio positiva, tam angelorum, quam hominum, est ex prævisis demeritis : hoc est, Deus nemini decernit pœnam æternæ damnationis, nisi propter prævisa peccata. Ita omnes Catholicæ, contra Calvinum et alios prædestinationarios.

Prob. 4º ex iis omnibus Scriptura locis quibus commendatur Dei bonitas, in hoc maxime quod pœnas et supplicia non velit, nisi quasi cogentibus nostris demeritis. *Ezech.*, xxxiii, 11 : *Nolo mortem impii, sed ut conver-*

tatur et vivat; Sap., 1, 13, 16 : Deus mortem non fecit, nec laetatur in perditione vivorum... Impii autem manibus et verbis accersierunt illam.

2º Ex Patribus. Damase., lib. II de *Fide orthod.*, cap. 26 : « Deus ex se ipso movetur ad miserendum, ad puniendum non nisi ex præsupposita culpa. » Aug., lib. III contra Julian., cap. 18, n. 35 : « Bonus est Deus, justus est Deus. Potest aliquos sine bonis meritis liberare, quia bonus est; non potest quemquam sine malis meritis damnare, quia justus est. » Quod verum est, non solum de ipsa damnationis executione, sed etiam de ipsa intentione; nam justus judex, non solum non punit, sed nec intendit punire, nisi præsupposita culpa.

3º Ratione. Deus nihil vult, nisi secundum quod habet rationem boni. Atqui poena ex se non habet rationem boni, sed solum præsupposita culpa; non enim est bonum quod quis puniatur, nisi peccaverit : imo contrarium foret malum et injustum, et ideo punitio dicitur bonum occasionatum. Ergo Deus non vult poenam, nisi præsupposita culpa.

Et hinc patet cur, in prædestinatione, gloria potest intendi ut corona et præmium ante prævisa merita, licet in executione pendeat a meritis; poena vero non possit intendi ante prævisa demerita : quia nempe corona et præmium est aliquid de se bonum, et ideo potest esse primo efficaciter volitum, et ex ejus volitione media præparari; poena autem, ut dixi, non est nisi bonum occasionatum ex præsupposita culpa. Aliud disserimen est, quod prædestinatio sit causa mediorum quae conducunt ad gloriam; reprobatio autem non est causa ejus quod conduit ad poenam, scilicet culpæ. Unde potest Deus gratis velle dare alicui gloriam ut præmium, antequam ex ejus parte prævideat merita, quia ipse est qui illa confert; at ejus justitiae et bonitati repugnat, quod velit alicui poenam antequam aliquid demeritum ex ejus parte prævideat. Et sic præoccupata manet præcipua objectio.

§ II

DE MOTIVO REPROBATIONIS NEGATIVÆ

*Impugnatur exclusio positiva a gloria titulo
beneficii indebiti.*

Concertatio hic nobis est cum quibusdam Thomistis, qui reponunt reprobationem negativam, tam angelorum, quam hominum, in exclusione positiva a gloria tamquam a beneficio indebito, sive esse gratuitam et ante prævisa demerita. Ex hac autem intentione excludendi positive a gloria, volunt Deum progreedi ad præparandum medium quo haec exclusio habeatur, scilicet permissionem peccati, qua prævisa, sic exclusis decernit æternam damnationis poenam, nempe poenam sensus et poenam damni, quæ est ipsa exclusio a gloria, non amplius ut a beneficio indebito, sed tamquam poena pro culpa. Nolunt enim primam exclusionem a regno esse poenam, sed tantum secundam; quia, inquit, prima est mera negatio rei indebitæ, secunda est privatio propter culpam : sicut, si rex deneget alicui dignitatem quæ ipsi non debetur, non est poena; si autem ipsi denegat propter ejus demerita, alioquin concessurus, est poena. Ita Alvares, Salmantic., Joan. a S. Thoma, Gonet, Contenson, et alii.

Nos vero hujusmodi reprobationem negativam non agnoscimus, cuius ne vestigium reperimus in S. Thoma, eamque duriorem arbitramur. Dicimus autem cum S. Doctori, ut patet ex articulo præcedenti, reprobationem negativam nihil aliud esse quam voluntatem permittendi ut aliqui sua voluntate et culpa deficiant a gloria, eamque concedimus esse ante prævisa demerita, ut dicemus postquam præsentem quorumdam Thomistarum opinionem ut minus veram ostenderimus. Unde

Dico : Deus neminem positive excludit a gloria titulo beneficij indebiti, et ante prævisa demerita. Sieque reprobatio negativa non est voluntas excludendi a gloria ante

culpam, sed est voluntas permittendi ut aliqui sua culpa excidant a gloria. Ita, post Capreolum, Cajetanum, hic a. 5, Ferrariensem, III *Contra gent.*, cap. 161, Nazarium, hic a. 3, controv. 1, Marcum Serra, hic a. 3, dub. 2, ad 2, doctissimi Patres Anton. Goudin, tract. 3, q. 3, a. 1, *de Reprob.*, et Hyacinthus de Graveson, 3 classe Epist., epist. 9, a quibus quae hie dicturi sumus magna ex parte mutuabimus.

Prob. 1^o argumento desumpto ex Scriptura. Juxta Scripturam, et praesertim Apostolum, Deus, quantum ex se est, vult sincere ut omnes salvi fiant, ita ut eorum damnatio ex ipsis solis proveniat. Atqui, si Deus ante omnem culpam ex parte reprobi prævisam decrevisset positive eum a gloria et salute æterna excludere, atque ad id ut ad finem a se intentum media conquereret, palam est quod, quantum est ex se, non modo non vellet eum salvare, sed e contra vellet eum a salute excludi et in æternum perire. Ergo ante peccatum non fuit talis voluntas in Deo, sed nuda permisso ut quidam sua voluntate et culpa a vita æterna exciderent.

Respondent adversarii, voluntatem salutis reproborum esse antecedentem, quae non obstat voluntati consequenti eos excludendi a salute et vita æterna.

Sed contra. Evidem voluntas consequens excludendi a salute propter circumstantiam culpæ ex parte reprobi, non obstat voluntati salvandi, quantum est ex parte Dei; non enim repugnat quod Deus aliquos, quantum est ex se, velit salvare, quos tamen, attenta eorum culpa, vult reipsa damnare: ut explicatur exemplo judicis, qui vult furum occidi propter culpam, quem vellet ante culpam vivere. Sed voluntas consequens excludendi a salute et gloria citra omnem culpam, nullatenus stat cum voluntate antecedente salvandi, quantum est ex parte Dei. Quia enim alia circumstantia, præter culpam, posset moveri Deus ut, citra contradictionem, vellet consequenter excludere a gloria et salute quos antecedenter, quantum ex se est, vult salvare? Non ut ostendatur defectibilitas liberi arbitrii, non ut sinat creaturas suos motus agere, non ut

agnoscamus gratiæ necessitatem, non ut ostendatur gratiam efficacem nemini esse debitam, non ut magis splendeat aliorum virtus, aut aliae similes circumstantiæ; ad hæc enim omnia nihil conductit exclusio a gloria ante prævisam culpam, sed ista omnia fluunt ex sola permissione culpe. Si dicas: ut ostendatur gloriam nemini deberi; respondeo id sufficienter ostendi permittendo ut aliqui ab illa deficiant. Insuper ordinatis ad gloriam per voluntatem antecedentem, eam aliquo sensu deberi dicam modo.

Prob. 2^o ex S. Thoma, qui in explicanda reprobatione nunquam meminit illius voluntatis positivæ excludendi a gloria ante culpam, sed eam explicat per nudam permissionem deficiendi a fine ultimo et cadendi in culpam, eaque supposita, infligendi damnationis penam: « Pertinet, inquit S. Doctor, hic a. 3, 0, ad divinam providentiam ut permittat aliquos ab isto fine [gloriæ] deficere, et hoc dicitur reprobare. » Et in fine corporis: « Reprobatio includit voluntatem permittendi aliquem cadere in culpam, et inferendi damnationis penam pro culpa. »

Prob. 3^o ratione non semel jam proposita ex D. Thoma. Deus unumquodque vult secundum quod habet rationem boni. Atqui quod aliquis ordinatus ad gloriam, ut ad suum summum bonum, ab ea excludatur, non est secundum se bonum, sed solum si ea per culpam se indignum præbeat: unde re ipsa in executione nemo ab ea nisi propter culpam excluditur; imo, secundum ordinem justitiae, aliter fieri nequit. Ergo.

Confirmatur. Deus non vult penam ante culpam, ut concedunt adversarii. Atqui, a gloria in æternum excludi, est gravissima pena et summa miseria, imo ipsa essentialis damnatio, nempe pena damni. Ergo.

Scio adversarios *respondere*, exclusionem a gloria in executione, ut est privatio beatitudinis propter culpam, esse quidem damnationis penam, at non item in intentione, tamquam a beneficio indebito: sicut, inquit, si rex dignitatem alicui denegat cui non debetur, pena non